

## *Dános a túa alegría e a túa compaixón*

**Señor, ti pasaches escoitando** a voz de quen sufrían. Ti comunicácheslles a túa palabra que era saúde, perdón e verdade.

**Señor, axúdanos a vivir escoitando** a quen necesitan os nosos sorrisos, o noso esforzo e a luz da nosa amizade.

**Señor, ti abriches os ollos aos cegos** e curaches os enfermos. Ninguén que acudiu a ti marchou sen recibir o teu amor e a túa paz.

**Señor, dános forza para non defraudar** a quen confían en nós. Que nunca deixemos ao bordo do camiño a quen nos piden comprensión.

**Señor, enche os nosos corazóns** da túa paz. Axúdanos para que non nos quedemos en palabras bonitas e sexamos testemuñas da alegría e da esperanza. Que vaíamos regalando a luz, a compaixón, a vida que ti nos traes neste Nadal.



*Papa Francisco*  
**¡No existe un cristiano sin alegría! La carta de presentación del cristiano es la alegría...**

**"Non nos deixemos roubar a ALEGRÍA da evanxelización!"**

**"Non nos deixemos roubar o ideal do AMOR fraterno!"**

**Francisco, EG 83 e 110**

*Evanxeo*

*11-dec-2016*

*3º-Advento-A*

# Advento-3

*¡Ide anunciar a Xoán o que estades vendo e oíndo: os cegos ven...!"*

*Descubre o mellor regalo.*



**DEUS VÉNE á túa vida.  
Sé alegre, compate!**

• **ISAÍAS 35, 1-6a. 10: Deus vén en persoa e vaivos salvar.**

O deserto e o ermo exultarán, alegrarase a estepa e florecerá, xermolará e florecerá como flor de narciso, festexará con gozo e cantos de xúbilo. Foille dada a gloria do Líbano, o esplendor do Carmelo e do Sarón.

Contemplan a gloria do Señor, a maxestade do noso Deus. Fortalecede as mans débeiles, afianzade os xeonllos vacilantes; dicide aos inquedos: «Sede fortes, non temades. Velaquí o voso Deus! Chega o desquite, a retribución de Deus. Vén en persoa e vaivos salvar».

Entón se despegarán os ollos dos cegos, os oídos dos xordos abriranse; entón saltará o collo como un cervo. Retornan os rescatados do Señor. Chegarán a Sión con cantos de xúbilo: alegría sen límite nos seus rostros. Domínanos o gozo e a alegría. Quedan atrás a pena e a aflición. *Palabra do Señor.*

• **SAL. 145: R/. Ven, Señor, salvarnos.**

• **ROMANOS 5, 7-10: Mantédevos firmes, porque a vinda do Señor está cerca.**

• **SAN MATEU 3, 1-12: Convertédevos, porque está cerca o reino.**

**Narrador:** Naquel tempo, Xoán, que oíra no cárcere as obras do Mesías, mandou os seus discípulos a preguntarlle:

**Discípulos:** -«Es ti o que ha de vir ou temos que esperar a outro?».

**Narrador:** Xesús respondeulles:

**Xesús:** -«*Ide anunciar a Xoán o que estades vendo e oíndo: os cegos ven, e os coxos andan; os leprosos quedan limpos e os xordos oen; os mortos resucitan e os pobres son evanxelizados. E benaventurado o que non se escandalice de min!*».

**Narrador:** Ao irse eles, Xesús púxose a falar á xente sobre Xoán:

**Xesús:** -«*Que saístes a contemplar no deserto, unha cana sacudida polo vento? Ou que saístes a ver, un home vestido con luxo? Mirade, os que visten con luxo habitan nos palacios. Entón, a que saístes?, a ver a un profeta? Si, dígovos, e máis que profeta. Este é de quen está escrito:*

**Escritura:** - "Eu envío o meu mensaxeiro diante de ti, o cal preparará o teu camiño diante túa".

**Xesús:** - *En verdade dígovos que non naceu de muller un máis grande que Xoán o Bautista; aínda que o máis pequeno no reino dos ceos é máis grande ca el».*

**Palabra do Señor.**



Reparte amor  
esta Navidad

Colabora con Cáritas



**ESCFENIFICACION  
DO EVANXEO**

O evanxeo, é un dos máis axeitados para representar: Xoán (no medio do presbiterio); saen uns mozos e nenos con cartolinas (Es TI, SEÑOR?) Igualmente, ao final do Evanxeo, é moi suxestivo que, catro nenos ou mozos, recorran toda a igrexa con catro carteis coas palabras: ALEGRÍA! e COMPARTIR!

**DEUS VÉN á túa vida. Sé alegre, comparte!**

**1.Ver: O ADN de Xesús**

- Hoxe falamos moito do **ADN** das persoas, o que nos identifica ...
- Tamén se fala do **DNI**: Nomes... Fillo de... País... Nado en... Profesión... Son as nosas raíces, a nosa identidade... Inventádevos o ADN ou DNI de Xesús.

**Que poñeríades na ficha de Xesús?**

**2. XULGAR: A identidade dos que o seguimos**

- + No evanxeo deste domingo **preguntan a Xesús quen é, a súa identidade:** - «*Es ti o que ha de vir ou temos que esperar a outro?*» **Quen es? - Xesús responde:** "*os cegos ven, e os inválidos andan; os leprosos quedan limpos, e os xordos oen; os mortos resucitan, e aos pobres anúnciaselles o Evanxeo*". **Non dá un discurso de palabras bonitas, predica coas obras: isto é o que fago, isto é o que son:** sando, salvo, curo, limpo, libero, dou vida, alegre a vida dos pobres...

**+ QUE NOS QUERE DICIR XESÚS?**

- Hoxe escoitamos a mensaxe de **MARÍA** que, chea de ledicia contesta ao anxo: "*Fágase tal como ti dis*" e a de **Xesús** que quere que digan o que Xesús fai polos que sofren (comparte, busca solución aos problemas alleos anuncia e constrúe o reino).

- Neste 3º domingo Xesús dínos que **A IDENTIDADE dos que seguimos a Xesús debe ser a ALEGRÍA e o COMPARTIR.**

\* **A ALEGRÍA... Por que?** A nosa alegría abrolla de ter a Xesús, de sabernos salvados e sandados por el. Con el é posible ver, andar, quedar limpos, oír, resucitar...

\* **O COMPARTIR... Por que?** Porque se queremos ser coma el, o camiño é compartir, sandar, curar, limpar... A nosa comunidade debe ser tamén **unha comunidade curadora** (próxima aos que sofren, atenta aos enfermos, consoladora, asistencial, de promover melloras...), **máis dos pobres...** (Francisco: "*como me gustaría unha Igrexa pobre e para os pobres*").

**Como vivir a ledicia do evanxeo? Que podemos compartir?**

**3. ACTUAR: Sé alegre, comparte**

- **Acendemos a 3ª vela e vemos como podemos vivir mellor a ledicia** do evanxeo e contaxiala a outros neste Nadal cantando panxoliñas e sementando estrelas polas rúas.
- **Escribimos** cada un o nome de dúas persoas que necesiten da túa ledicia ou da túa axuda ao teu redor.
- **Organizamos a campaña solidaria de Nadal** compartindo xoguetes, alimentos, diñeiro... Convén preparalo con Cáritas.
- **Preparamos** panxoliñas, belén, belén vivente...
- **Para as ofrendas**, traballando a ledicia, poderíase pedir a cada neno que debuxase o seu rostro riseiro e o colócase nun cartel e alguén lese: "Ofrecemos o noso sorriso como sinal da ledicia polo nacemento de Xesús en Belén".